

**Aalisarneq pillugu Inatsisartut inatsisaata allanngortinneqarneranik
Inatsisartut inatsisissaattut siunnersuut**

pillugu

**Inatsisartut Aalisarnermut, Piniarnermut Nunalerinermullu
Ataatsimiititaliaata**

ISUMALIUTISSIISSUTAA

Siunnersuutip aappassaaneerreqarnerani saqqummiunneqartoq

Inatsisartut Aalisarnermut, Piniarnermut Nunalerinermullu Ataatsimiititaliaat suliarinninnermini ukuninnga inuttaqarpoq:

Inatsisartuni ilaasortaq Johan Lund Olsen, Inuit Ataqaatigiit, siulittaasoq
Inatsisartuni ilaasortaq Lars Karl Jensen, Siumut, siulittaasup tullia
Inatsisartuni ilaasortaq Simon Olsen, Siumut
Inatsisartuni ilaasortaq Augusta Salling, Atassut
Inatsisartuni ilaasortaq Mads Peter Grunvold, Kattusseqatigiit

Inatsisartut Aalisarnermut, Piniarnermut Nunalerinermullu Ataatsimiititaliaata UKA 2001-imi siullermeerinerup kingorna aalisarneq pillugu Inatsisartut inatsisaata allanngortinneqarneranik Inatsisartut inatsisissaattut siunnersuut nassuiaatitai ilanngullugit misissorpaa.

Ataatsimiititaliap sulinera.

Siunnersuutip matuma ataatsimiititaliami suliarineqarnissaanut atugassatut tusarniaanermi akissutisiat Naalackersuisunit pissarsiarineqartut nuutinnerinik ataatsimiititaliaq tigusaqarsimavoq. Tamatuma kingorna inatsisissatut siunnersuut ataatsimiititaliap ataatsimiinnerini marlunni suliarineqarpoq.

Inassuteqaatit naalackersuinikkullu oqaaseqarfiginninnerit.

Aalisarnej pillugu inatsimmi allannguutissatut siunnersuutigineqartut ukiakkut ataatsimiinnermi matumani piviusunngortinneqarnissaasa Naalackersuisunit suliniutigineqarsimanera ataatsimiititaliamit nuannaarutigineqarpoq.

Tamatuma peqatigisaanik aalisarnej pillugu inatsisip tamakkiinerusumik 2002-mi upernaakkut ataatsimiinnermi nutarterneqarnissaata Naalackersuisunit suliniutigineqarnissaa ataatsimiititaliamit qilanaarineqarpoq. Tassunga atatillugu nutarterinnermi tassani aalisarnermi akuusut sukumiisumik peqataatinneqarnissaat qanoq pingaaruteqartiginersoq ataatsimiititaliamit erseqqissarneqassaaq.

Tamanna tunngavigalugu *ataatsimiititaliap inassutigaa* aalisarnej pillugu Inatsisartut inatsisaata allanngortinneqarneranik Inatsisartut inatsisissaattut siunnersuut *siullermeerneqarnermisut iluseqarluni akuersissutigineqassasoq*.

Taama oqaaseqarluni Inatsisartut Aalisarnermut, Piniarnermut Nunalerinermullu Ataatsimiititaliaata aalisarnej pillugu Inatsisartut inatsisaata allanngortinneqarneranik Inatsisartut inatsisissaattut siunnersuut aappassaaniigassanngortippaa.

Johan Lund Olsen
siulittaasoq

Lars Karl Jensen

Simon Olsen

Augusta Salling

Mads Peter Grønvald